

增修
補註
正續歷代通鑑輯覽

唐

玄宗明皇帝

〔戊寅〕開元二十六年春正月令天下州縣里皆置學

夏六月立忠王璵為皇太子改名亨

先更名紹又更名亨

李林甫數勸上立壽王瑁

上以忠王璵年長孝謹好學意欲立之猶豫不決常忽忽不樂高力士請其故上曰汝揣我何意力士曰得非以郎君未定邪上曰然對曰但推長

而立誰復敢爭上曰汝言是也由是遂定璵將受冊命儀注有中嚴外辦及絳紗袍

改辦曰備易絳紗袍為朱明服故事太子乘略至殿門至是璵不就輅步而入中嚴外辦唐書禮樂志皇帝大祀致齋晝漏上水一刻侍中版奏請中嚴諸衛入陳殿庭文武五品以上陪位二刻侍中版奏外辦受朝日同皇太子亦中嚴外辦左庶子版奏絳紗袍車服志皇帝冠通天冠服絳紗袍冬至受朝賀祭還燕羣臣養老之服也皇太子冠遠遊冠服絳紗袍謁朝還宮元日朔日

入朝釋奠之服也

突騎施殺其可汗蘇祿初蘇祿廉儉攻戰所得悉與諸部分之由是眾樂

為用既尚唐公主

帝以西突厥降王阿史那懷道之女為交河公主妻蘇祿

突厥吐蕃亦各以女妻之用度

寢廣所得不復更分由是諸部離心會長莫賀達干夜襲蘇祿殺之都摩

度立蘇祿之子骨咄為吐火仙可汗收其餘眾居碎葉城

吐火仙與莫賀達干相攻莫賀達干遣使

告磧西節度使蓋嘉運明年秋嘉運擊吐火仙禽之並取交河公主而還

九月册南詔為雲南王 南詔之先本哀牢夷鳥蠻別種哀牢注見前地居姚州唐置今雲南姚安縣

西東南接交趾西北接吐蕃蠻語謂王曰詔先有六詔曰蒙巂曰越析曰浪穹曰邏賧曰施浪曰蒙舍

居亦曰磨些今雲南麗江縣是浪穹今雲南洱源縣是邏賧今雲南龍川縣是施浪居矣草和城

是在今洱源縣蒙次和山下蒙舍亦名陽瓜州今雲南蒙化縣是考通鑑蒙巂邏賧施浪三詔作蒙越樣備越濬今從唐書莫能相一歷代因之以分

其勢蒙舍最在南故謂之南詔至皮邏閣始彊大高宗時蒙舍細奴邏初入朝細奴邏生邏盛邏盛生盛邏皮盛

邏皮生皮邏閣而五詔微弱乃賂劍南節度使王昱求合六詔為一朝廷許之賜名

歸義于是以兵威脅服羣蠻遂破吐蕃徙居太和城在今雲南大理縣南名太和府城址尙存卒為

邊患胡三省曰南詔自此始

〔己卯〕二十七年夏六月貶張守珪為括州刺史 幽州將趙堪白真陀羅

矯節度使張守珪之命使平盧軍使烏知義邀叛奚餘黨知義不從白真

陀羅矯稱制指以迫之知義出師與奚遇先勝後敗守珪掩其敗狀以克

獲聞事頗泄上令內謁者監內官掌內傳宣及諸親命婦朝會之籍牛仙童往察之守珪重賂仙

童歸罪于白真陀羅偪令縊死衆宦官疾仙童發其事上怒杖殺之守珪

坐貶已而守珪疽發背死

秋八月追謚孔子爲文宣王。先是祀先聖先師周公南向孔子東向坐制

自今孔子南向坐被王者之服釋奠用宮懸贈弟子爲公侯伯

冬十二月更定禘祫之制。初睿宗喪既除祫于太廟自是三年一祫五年

一禘是歲夏既禘冬又當祫太常以爲祭數則瀆請停祫祭自是通計五

年一禘一祫從之

〔庚辰〕二十八年春正月荊州長史張九齡卒。上雖以九齡忤旨逐之然

終愛重其人每宰相薦士輒問曰風度得如九齡不讀曰及是以病卒

三月立那史那明爲十姓部即西突厥十部具見前可汗突騎施吐火仙既被禽詔立那

史那懷道之子昕爲十姓可汗莫賀達干聞之怒曰平蘇祿我功也今立

昕謂何遂誘諸部以叛詔蓋嘉運招諭以莫賀達干爲突騎施可汗已而

昕竟爲莫賀達干所殺西突厥遂亡後安西節度使夫蒙靈督討莫賀達干斬之突騎施亦漸衰

冬十月吐蕃寇安戎城注見前發關中兵救之。初吐蕃陷安戎城而據之具事

前其地險要唐屢攻之不克劍南節度使王昱築兩城于其側運資糧以

備之吐蕃發兵來救昱衆大敗脫身走資仗皆沒于是貶昱高要注見前尉

以張宥代之宥文吏不習軍旅悉以軍政委團練副使唐注凡有團結營之處置團練使章仇

複姓、本章氏、因避仇遂加仇字、

兼瓊兼瓊入奏事盛言安戎城可取上說之以有為光祿卿

兼瓊為節度使兼瓊潛與安戎城中結謀使開門納唐兵盡殺吐蕃將卒

以監察御史許遠敬宗會孫守之至是吐蕃寇安戎發關中彊騎救之吐蕃引

去更命安戎城曰平戎

〔辛巳〕二十九年春正月立賑饑法制曰前承饑饉皆待奏報然後開倉

道路悠遠何救懸絕自今委州縣及採訪使給訖奏聞

秋八月以安祿山為營州都督祿山傾巧善事人人多譽之上左右至平

盧者祿山皆厚賂之由是上益以為賢又賂採訪使張利貞利貞盛稱之

上乃以為營州都督充平盧軍使

冬十一月太尉寧王憲薨即宋王成器更封改名追諡曰讓皇帝憲薨上哀惋特甚曰

天下兄之天下也固讓于我為唐太伯常名不足以處之乃諡曰讓皇帝

其子汝陽王璿表述先志固讓不許

十二月吐蕃陷石堡城先是吐蕃四十萬入寇至安人軍在今甘肅西寧縣騎將臧

希液帥眾五千擊破之及是吐蕃攻陷石堡城蓋嘉運不能禦初嘉運入朝獻吐火仙之

捷、上嘉其功、以為河西隴右節度使、經略吐蕃、嘉運恃恩、流連不時發、裴耀卿疏言、嘉運雖勇烈有餘、然言氣矜誇、恐難成事、況防秋非遠、未言發期、若臨事始去、則士卒尚未相識、何以制敵、乞

速遣進途、發加調、上乃
趨嘉運、行及是竟無狀

〔壬午〕天寶元年春正月以安祿山爲平盧節度使 是時天下聲教所被

之州三百二十一 羈縻之州八百

唐書地理志自太宗平突厥西北諸蕃及蠻夷稍稍內屬即其部落列置州縣大者爲都督府以其

首領爲都督刺史凡州府八百五十六號爲羈縻云置十節度經略使以備邊

都護府河西節度斷隔吐蕃突厥治涼州朔方節度捍禦突厥治靈州河東節度與朔方犄角以禦突厥治太原府范陽節度臨制奚契丹治幽州平盧節度鎮撫室韋靺鞨治營州隴右節度備

禦吐蕃南撫蠻獠治益州嶺南五府經略綏靜夷獠治廣州此外又有長樂經略福州領之東萊守捉萊州領之東牟守捉登州領之總茲唐安西四鎮之一本西域國治伊邏盧城○漢延城

也今新疆庫車縣韋契丹別種地在今黑龍江西北凡鎮兵四十九萬人馬八萬餘

匹開元之前每歲供邊兵衣糧費不過二百萬天寶之後益兵浸多每歲

用衣千二十萬匹糧百九十萬斛公私勞費民始困苦矣

穿三門運渠

陝州刺史李齊物

淮安王神通曾孫

鑿底柱爲門以通漕開其山巔爲

輓路沃醯而鑿之棄石入河水益湍怒舟不能入新門候水漲以人輓舟

而上上疑之遣宦者往視齊物厚賂宦者還言其便

二月改官名

侍中中書令爲左右相丞相改爲僕射東北都皆爲京州爲

郡刺史爲太守

三月以韋堅

字子金京兆萬年人

爲江淮租庸轉運使

初宇文融既敗言利者稍息及

楊慎矜得幸于是章堅王鉷之方翼之徒競以利進百司有事權者稍稍別

置使以領之舊官充位而已堅太子之妃兄也督江淮租運歲增巨萬上

以爲能故擢任之王鉷亦以善治租賦爲戶部員外郎

以盧絢嚴挺之爲員外詹事李林甫爲相凡才望功業出己右者必百計

去之尤忌文學之士或陽與之善而陰陷之兵部侍郎盧絢絳州刺史嚴

挺之爲其所忌皆左遷散秩世謂林甫口有蜜腹有劍上嘗陳樂于勤政樓下垂簾觀之盧絢謂上已

起垂鞭案轡橫過樓下絢風標清雅上目送之林甫知之乃召絢子弟謂曰交廣舊才上欲以尊君爲之若憚遠行則當左遷姑以賓詹分務東洛何如絢懼請之乃除華州刺史未幾誣其有疾

除員外詹事上又嘗問林甫嚴挺之可用今安在挺之時爲絳州刺史林甫退召挺之弟諡以上意甚厚盡稱疾求還可以見上挺之從之林甫以其奏自上云挺之老疾宜且授以散秩以便醫

藥上歎吒久之亦以爲員外詹事

〔癸未〕二年春正月安祿山入朝祿山入朝上寵待甚厚謁見無時時李林甫

領吏部尙書日在政府選事悉委侍郎宋遙苗晉卿選人集者以萬計遙晉卿以御史中丞張倚得幸于上擢其子爽爲首祿山言于上上招入面試之爽手持試紙終日不成一字時人謂之曳

白于是三人皆坐貶苗晉卿字元輔潞州壺關人

三月廣運潭在長安縣東南成加章堅右散騎常侍堅引澇水源出藍田縣谷中北流至咸寧縣合灊水入渭

抵苑東望春樓下爲潭以聚江淮運船役夫匠通漕渠發人邱壘自江淮

至京城民間愁怨二年而成上幸樓觀之堅以新船數百艘扁榜郡名各

陳珍寶陝尉崔成甫著錦半臂紅抹額居前船唱得寶歌先是民間唱得歌曰

寶符于桃林成甫更得體歌爲得寶歌辭曰得闕弘寶野弘農得寶邪漳真舟船開揚州銅器多三郎當殿坐聽唱得寶歌其體更甚桃林縣名隋以漢弘農縣置天寶初于縣得老子寶符更

名靈寶今縣屬河洛道使美婦百人盛飾而和之連檣數里堅跪進輕貨仍上百牙盤

食上置宴竟日而罷加堅常侍吏卒褒賞有差賜其潭名廣運

〔甲申〕三載春正月改年曰載

二月以安祿山兼范陽節度使河北黜陟使席建侯名豫以字行襄陽人稱祿山公

直李林甫裴寬亦順旨稱譽其美由是祿山之寵益固

秋突厥亂册回紇骨力裴羅爲懷仁可汗胡三省曰回紇自此疆盛初突厥毘伽可汗爲

其大臣梅錄唆毒死毘伽被毒忍死誅梅錄唆夷其種乃卒其子伊然可汗立八年死弟骨咄立

册爲登利可汗其左部攻殺之立毘伽可汗子爲骨咄葉護所殺登利年幼其母遮節

預政登利從父二人分掌東西兵號左右殺登利與其母誘斬右殺奪其兵左殺懼攻登利殺之左殺者判闕特勒也遂立毘伽可汗子俄爲骨咄葉護所殺立其弟又殺之葉護遂

自立爲可汗奴上以突厥內亂命羽林將軍孫老奴招諭回紇葛邏祿拔悉密等部已而拔悉密及回紇葛邏祿三部

並起攻葉護殺之尊拔悉密酋長爲頡跌伊施可汗回紇葛邏祿自爲左

右葉護突厥餘衆奉判闕特勒子爲烏蘇米施可汗上遣使諭烏蘇內附烏蘇不從朔方節度使王忠嗣

說拔密等部攻之烏蘇遁去其西葉護阿布思及西殺葛臘哆等帥千餘帳相次來降至是拔悉密攻殺烏蘇米施國人立其

弟爲白眉可汗。于是突厥大亂。上敕朔方節度使王忠嗣以兵乘之。忠嗣

破其左廂十一部。獨右廂未下。會回紇葛邏祿共攻拔悉密。頡跌伊施可

汗殺之。奉回紇骨力裴羅定其國。遣使言狀。上冊拜裴羅爲懷仁可汗。懷仁

于是南據突厥故地。立牙帳于烏德健山。舊統藥邏祿等九姓。其後又併拔悉密葛邏祿。凡十一部。各置都督。明年懷仁攻殺白眉。突厥遂亡。

始突厥國于後魏大統時。至是滅其地。盡入回紇。毘伽可敦。即登利母。婆旬。帥衆來歸。上御花萼樓宴羣臣賦

詩美其事。懷仁既殺白眉。斥地愈廣。東極室韋。西抵金山。南控大漠。盡得古匈奴地。已而懷仁死。子磨延礫立。號葛勒可汗。

九月以楊慎矜爲御史中丞。初上以慎矜知御史中丞事。時李林甫專權

公卿之進。有不出其門者。必以罪去之。慎矜固辭不受。至是林甫以慎矜

屈附于己。復以爲中丞。

始祀九宮貴神。九宮自一至九。其神太乙。攝提軒。轅招搖。天符。青龍。咸池。太陰。天一。其星。天蓬。天內。天衝。天輔。天禽。天心。天桂。天任。天英。其卦八。一坎。二坤。三震。四巽。五九。同。

離六。乾七。兌八。艮九。其五行。一爲水。二與五。八同土。三與四。同木。六與七。同金。九爲火。其方之色。曰白。黑。碧。綠。黃。赤。紫。而白兼一。六。八之三。方。初術士蘇嘉慶言

遯甲術有九宮貴神典司水旱。請立壇于東郊。祀以四孟月。從之。禮在太

清宮太廟上所用牲玉皆侔天地。

〔乙酉〕四載春二月以朔方節度使王忠嗣兼河東節度使。忠嗣少勇敢

及鎮方面。專以持重安邊爲務。常曰。太平之將。但當撫循訓練士卒。不可

疲中國之力以邀功名軍中日夜思戰忠嗣多遣間諜見可勝然後興師
故出必有功既兼兩道節制自朔方至雲中邊陲數千里要害之地悉置
城堡斥地各數百里邊人以爲自張仁宣張仁愿初名仁宣之後將帥皆不及每忠嗣

市高估馬價諸胡聞之爭賣馬于唐忠嗣皆買之由是胡馬少唐兵益壯

秋七月册壽王妃韋氏八月以楊太眞爲貴妃初武惠妃薨後宮無當意

者或言壽王妃楊氏之美上見而悅之乃令妃自以其意乞爲女官女道士也

號太眞更爲壽王娶郎將韋昭訓女潛內太眞宮中不期歲寵遇如惠妃

宮中號曰娘子凡儀體皆如皇后至是册爲貴妃贈其父元琰兵部尚書

以從兄銛爲殿中少監錡爲駙馬都尉三姊皆賜第京師寵貴赫然已而

復以妃從祖兄釗爲金吾兵曹參軍釗不學無行爲宗黨所鄙從軍于蜀貧不能歸新政富民鮮于仲通常資給之仲通頗讀書有

才智章仇兼瓊引爲采訪支使委以心腹嘗從容謂仲通曰今吾獨爲上所厚苟無內援李林甫必見危聞楊妃新得幸子能爲我結之吾無患矣仲通言釗本末釗儀觀甚偉言詞敏給兼瓊見

之大悅即辟爲推官使獻春綵于京師賸蜀貨直萬緡釗大喜過望至長安見諸妹分以遺之曰此章仇公所贈也于是諸楊日夜譽兼瓊且言釗善樛拂引之見上得隨供奉官出入禁中

政唐縣元省故城在今四川南部縣

九月以韋堅爲刑部尚書楊慎矜爲租庸轉運使堅以通漕有寵遂有入

相之志又與李適之常山縣王通乾會孫天寶元年代牛仙客爲左相善林甫由是惡之故遷以美官

實奪之權也

安祿山討奚契丹破之。祿山欲以邊功市寵，數侵掠奚契丹。奚契丹各殺

所尚公主。

上以外孫獨孤氏爲靜樂公主，嫁奚王。丹王，以明楊氏爲宜芳公主，嫁奚王。

以叛祿山討破之。

以王鉷爲京畿采訪使。

初，鉷爲戶口色役使。

掌諸色雜徭役者。

敕賜百姓復除，鉷奏

徵其輦運之費，廣張錢數，使市輕貨。百姓所輸，乃甚于不復。除舊制，戍邊者免其租庸。六歲而更，時邊將恥敗士卒死者，皆不申牒，貫籍不除。王鉷皆以爲避課。六歲之外，悉徵其租庸。有併徵三十年者，民無所訴。上在位久，用度日侈，又不欲數于左右，藏取之，鉷知上旨，歲貢額外錢帛百億萬，貯于內庫，以供宴賜。曰：此皆不出于租庸調。上以鉷爲能富國，益厚遇之。中外歎怨。至是以爲御史中丞，京畿采訪使。

楊釗侍宴禁中，專掌樞機文簿，鉤校精密，上賞其強明，曰：好度支郎。諸楊

數徵此言于上，又以賜王鉷，鉷因奏充判官。

【丙戌】五載春正月，貶韋堅爲縉雲。

唐部，今浙江麗水縣等處。

初爲郡，今貴州應義縣等地。

太守。

初，太子之立，非李林甫意。林甫恐異日爲己禍，欲動搖

之。隴右節度使皇甫惟明嘗爲忠王友。

太子先封忠王，見前。

時破吐蕃入獻捷，見林

甫專權，勸上去之。林甫知之，使楊慎矜密伺其所爲。會正月望夜，太子出

遊與韋堅相見堅為太子妃兄堅又與惟明會于景龍觀慎矜遂告堅與惟明謀

立太子收下獄林甫使慎矜等鞫之上亦疑堅與惟明有謀而不顯其罪

皆貶之親黨坐者數十人太子表請與妃離昏帝素知太子孝謹故譴怒

不及

以王忠嗣為河西隴右朔方河東節度使忠嗣仗四節控制萬里天下勁

兵重鎮皆在掌握與吐蕃戰于青海積石皆大捷又討吐谷渾虜其全部

而歸忠嗣功名日盛李林甫恐其入相忌之安祿山潛蓄異志託以禦寇築雄武城大貯兵器請忠嗣助役欲留其兵忠嗣先期而往不見祿山而還數奏言祿山必反林甫益惡之已

而忠嗣固辭河東朔方節度許之雄武城在今京兆蘄縣東北

夏四月李適之罷韋堅等既貶適之懼自求散地遂罷政事初適之與林甫有隙適之領兵部尚

書林甫使人發兵部銓曹姦利事收吏六十餘人付京兆京兆尹蕭昊使法曹吉溫鞠之溫置吏于外先取一重囚訊之號呼之聲所不忍聞吏聞之大懼引入皆自誣服頃刻獄成敕誚責前後

知銓侍郎及判南曹郎官而省之始太子文學薛巖薦溫才上召見顧巖曰是一不長人朕不用也及林甫欲除不附己者求治獄吏吳薦溫于林甫林甫大喜又有羅希夷者為吏深刻林甫引

為殿中侍御史二人皆隨林甫所欲深淺唐鍊成獄無能自脫者時人謂之羅鉗吉網吉溫頃從子羅希夷錢塘人南曹郎鍛書百官志吏部員外郎一人掌判南曹

以陳希烈安州人同平章事希烈以講老莊得進專用神仙符瑞媚于上李

林甫以希烈柔佞易制故引以為相政事一決于林甫希烈但給唯諾故事

宰相午後六刻乃出林甫奏今太平無事已時即還第機務皆決于私家主書抱成案請希烈書名而已

秋七月加嶺南經略使張九章三品以廣陵長史王翼為戶部侍郎 楊貴

妃方有寵中外爭獻珍玩九章翼所獻精美九章加三品翼為戶部侍郎

民間歌之曰生男勿喜女勿悲君今看女作門楣妃欲得生荔枝歲命嶺

南馳驛致之比至長安色味不變妃嘗以妬悍不遜送歸第上遂不食及夜力士奏請迎妃歸院遂開禁門而入後復以忤旨遣歸

吉溫因宦官言于上曰陛下何愛宮中一席之地使之就死而辱之于外舍耶上亦悔之遣中使賜以御膳妃對使者涕泣曰金玉珍玩皆陛下所賜惟髮者父母所與乃剪髮一縷而獻之上遽

召還寵待益深

〔丁亥〕六載春正月殺北海太守李邕淄川太守裴敦復及皇甫惟明韋堅

等王琚李適之自殺 先是韋堅之弟將作少匠蘭兵部員外郎芝為堅訟冤且引太子為

言上怒李林甫因言堅與李適之朋黨堅遂長流適之貶宜春本袁州天寶初改郡

太守已而左驍衛兵曹柳勣告贊善大夫杜有鄰妄稱圖讖交構東宮指

斥乘輿有鄰女為太子良娣良娣之娣勣妻也勣性疏狂好功名善交結豪傑名流與妻族不協欲陷之故為飛語以告林甫令吉溫鞠之乃

勣首謀遂與有鄰俱杖殺太子亦出良娣為庶人勣素與淄川太守裴敦復善敦復先有平海賊有

功擢嶺南經略使林甫忌之貶淄川守敦復薦之北海太守李邕邕遂與定交會鄴郡太守王琚

以貶貶江華唐郡今湖南道縣是司馬琚性豪侈與邕皆自謂耆舊久在外意怏怏

林甫欲因事除之至是別遣羅希夷案邕敦復皆杖死邕才藝出衆盧藏用嘗語之曰君如干將莫邪

雖與爭鋒然終虞
缺折耳豈不能用

林甫又奏分遣御史賜皇甫惟明韋堅等死希與自青州

之嶺南所過殺遷謫者李適之仰藥琚自縊適之子霽迎喪至東京林甫

令人誣告殺之給事中房琯

字次律河南人

坐與適之善貶宜春太守

林甫恨韋堅不巳遣使于

循河及江淮州縣坐堅罪收繫綱典船夫徵剝遺負延及鄰
伍死者甚衆至林甫死乃止綱典十船爲一綱以吏典之

除絞斬條

上慕好生之名令應絞斬者皆重杖流嶺南其實有司率杖殺

之

令天下嫁母服三載

令士通一藝以上皆詣京師

上欲廣求天下之士命通一藝以上皆詣京

師李林甫恐草野之士對策斥其姦惡建言舉人卑賤恐有俚言汚濁聖

聽乃令郡縣精加試練送省覆試具名奏聞既而至者皆試以詩賦論遂

無一人及第者林甫乃以野無遺賢上表稱賀

以安祿山兼御史大夫

祿山體肥腹垂過膝外若癡直內實狡黠其在上

前應對敏給雜以詼諧上嘗戲指其腹曰此胡腹中安所有其大乃爾對

曰更無餘物止有赤心耳又嘗命見太子祿山不拜左右趣之拜祿山曰

太子何官上曰此儲君也朕千秋萬歲後代朕君汝者也祿山曰臣愚曷

者惟知有陛下一人不知乃更有儲君不得已然後拜上以爲信然益愛

之

上嘗宴勤政樓百官列坐樓下獨祿山于御座東間設金雞帳置榻使坐其前命楊鉅姊弟皆與祿山敘兄弟祿山得出入禁中因請爲貴妃兒上與貴妃同坐祿山先拜貴妃上問何

故對曰胡人先母而後父上悅

冬十月帝如驪山溫泉

在今陝西臨潼縣南驪山之麓

名其宮曰華清

先是置溫泉宮上歲

幸之至是更宮名曰華清治湯井爲池環山列宮室

內有集靈臺朝元閣飛霜九龍長生明珠等殿又

築羅城置百司及公卿邸第

將軍董延光攻吐蕃石堡城不克十一月以哥舒翰

突騎施哥舒部酋長之子

充隴右節度

使貶王忠嗣爲漢陽太守

忠嗣以部將哥舒翰爲大斗軍

在今甘肅永昌縣西南用大斗拔谷爲名

副使李光弼

營州柳城人契丹王楷落之子

爲河西兵馬使翰光弼皆以勇略爲忠嗣所重

每歲積石軍麥熟吐蕃輒來穫之無能禦者翰先伏兵其側吐蕃至斷其後夾擊之無一人得返自是不敢復來積石軍在今甘肅導河縣西

上欲使忠嗣攻吐

蕃石堡城忠嗣上言石堡險固吐蕃舉國守之非殺數萬人不能克臣恐

所得不如所亡不如厲兵秣馬俟其有釁然後取之上意不決將軍董延

光請行上命忠嗣分兵助之忠嗣不得已奉詔而不盡如其所欲

李光弼曰數

萬衆授延光而不立重賞士卒安肯爲之盡力且此天子意也彼無功必歸罪于大夫大夫何以杜其議口乎忠嗣曰今以數萬之衆爭一城得之未足以制敵不得亦無害于國故不欲爲之忠

嗣今受責天子不過一將軍歸宿衛其次不過黔中上佐豈以數萬人命易一官乎光弼曰大夫能行古人之事非光弼所能及也

延光過期不克言忠

嗣沮撓軍計上怒李林甫因使人告忠嗣欲擁兵奉太子敕徵忠嗣入朝
委三司鞠之上聞哥舒翰名召見悅之以爲隴右節度使而詔三司曰吾
兒居深宮安得與外人通謀此必妄也但劾忠嗣沮撓軍功三司奏忠嗣
罪當死翰力陳其冤上感悟貶忠嗣漢陽太守李林甫屢起大獄以楊釗有掖庭
之親乃因以爲援事有微涉東宮
者皆指摘使之奏劾付羅希夷吉溫鞠之釗因得還其私志所擠陷誅夷者數百家
幸太子仁孝謹靜張垞高力士常保護于上前故林甫終不能問也張垞說之子

殺戶部侍郎楊慎矜 慎矜爲上所厚李林甫浸忌之慎矜與王鉞父中表

兄弟也故引鉞入臺及鉞遷中丞慎矜猶名之鉞意不平慎矜不之覺嘗

與之私語讖書慎矜與衛士史敬忠善敬忠言天下將亂勸慎矜于臨汝山中買莊避亂林甫知鉞與慎矜有隙誘使

圖之鉞乃遣人以飛語告慎矜隋煬帝孫與凶人往來家有讖書謀復祖

業上大怒收慎矜繫獄命楊釗盧鉉同鞠之使吉溫捕敬忠于汝州敬忠與溫父
善溫幼時敬忠嘗抱撫之及捕獲溫

不與語鎖其頸驅之馬前使吏誘之曰楊慎矜已款服惟須子一辨解意則生
不然必死敬忠求紙溫不答敬忠懇請哀切乃令答辨還鞠慎矜因以爲證慎矜皆引服

惟搜讖書不獲使盧鉉入長安搜其家鉉袖讖書入閤中出訴曰逆賊深

藏祕記以示慎矜歎曰吾不畜讖書此何從在我家哉吾應死而已于是

兄弟皆賜死妻子流嶺南連坐者數十人

十二月以天下歲貢賜李林甫 命百官閱歲貢物于尙書省悉以車載賜

李林甫上。或有時不視朝。百官悉集林甫第門臺省爲空。林甫子岫爲將作監。頗以滿盈爲懼。嘗從林甫遊後園。指役夫言曰。大人久處鈞軸。怨仇滿天下。一朝禍至。欲爲此得乎。林甫不樂曰。勢已如此。將若之何。先是宰相皆以德度

自處驕從不過數人。林甫自以多結怨。常虞刺客。出則步騎百餘人。爲左右翼。金吾靜街。前驅在數百步外。居則重關複壁。如防大敵。一夕屢徙牀。雖家人莫知其處。

以高仙芝高麗人爲安西四鎮節度使。仙芝從軍安西。驍勇善騎射。累官四

鎮節度副使。小勃律王及其旁二十餘國皆服吐蕃。貢獻不入。討之不克。

制以仙芝爲行營節度使。討之。自安西行百餘日。至連雲堡。吐蕃三省注。堡在

據婆勒川爲固。破之。遣將軍席元慶將千騎前行。謂曰。小勃律聞大軍至。其君臣

百姓必走山谷。第呼出取繒帛稱敕賜之。大臣至。盡縛之以待我。元慶如

其言。仙芝至。斬其附吐蕃者數人。急遣元慶往斫娑夷藤橋。唐書西域傳。小勃律王居孽多

城。臨娑夷水。藤橋去城六十里。甫畢而吐蕃救至。已無所及。盡一矢。力修之。昇年乃成。仙芝虜

小勃律王及吐蕃公主而還。上以仙芝爲安西四鎮節度使。仙芝署封常

清蒲州人判官。任以軍事。自唐興以來。邊帥皆用忠厚名臣。不久任。不遙領。不兼統。以名著

猶不專大將之任。皆以大臣爲使。以制之。及開元中。天子有吞四夷之志。爲邊將者。十餘年不易。始久任矣。皇太子則慶忠諸王。宰相則蕭嵩。牛仙客。始遣領矣。蓋嘉運王忠嗣。專制數道。始兼統矣。

李林甫欲杜邊帥入相之路。以胡人不知書。乃奏言。文臣爲將。怯當矢石。不若用寒族胡人。胡人則勇決習戰。寒族則孤立無黨。陛下誠以恩結其心。彼必能爲朝廷盡死。上悅其言。始用安祿山。